

Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 551 225; Fax: 033 551 226
E-mail: nasastranka@nasastranka.ba
Web: www.nasastranka.ba

Sarajevo, 29.02.2016. godine

Dostaviti:
Služba za skupštine poslove Kantona Sarajevo
Ministarstvo saobraćaja Kantona Sarajevo

Predmet: Zastupničko pitanje/inicijativa

Poštovani,

Iz Kluba zastupnika Naše stranke u Skupštini Kantona Sarajevo smatramo da bi Sarajevo, po uzoru na druge evropske i svjetske gradove, trebalo imati kvalitetne info-panoe koji bi pružali informacije o javnom gradskom saobraćaju. Na takvim info-panoima nalazili bi se:

1. Mapa sa shematskim prikazom mreže javnog gradskog prijevoza, sa označenim svim tramvajskim, trolejbuskim, autobuskim i minibuskim stajalištima, trasom saobraćanja vozila i odgovarajućom legendom. Na mapi bi također trebale biti označene i u pomenuti shematski prikaz ucrtane sve bitne gradske lokacije, kulturne i historijske, kao i administrativne, obrazovne i zdravstvene institucije, policijske stanice, aerodrom, željeznička i autobuska stanica te parkovi, trgovi, mostovi, riječni tokovi i sve drugo što bi moglo olakšati orijentaciju u našem gradu i naravno naziv samog stajališta.
2. Prikaz aktuelnih redova vožnje vozila koja saobraćaju trasom na kojoj je stajalište.
3. Informacije o cijenama karata za korištenje usluga javnog gradskog saobraćaja.

Osim turistima i turistkinjama, ovo je potrebno i našim sugrađanima i sugrađankama, s obzirom da mnogi od njih, koji nisu redoviti korisnici pojedinih linija, često nisu sasvim upoznati sa trasom saobraćanja vozila javnog gradskog saobraćaja niti sa tačnom pozicioniranjem svih stajališta, što je posebno slučaj sa autobuskim i minibuskim saobraćajem. Stoga, Klub zastupnika Naše stranke u Skupštini Kantona Sarajevo podnosi inicijativu za izradu ovakvih info-panoa i njihovo postavljanje na stajališta i u pojedina vozila javnog gradskog saobraćaja, ali i njihovo objavlјivanje na zvaničnu web stranicu gradskog prevoznika, a sve sa ciljem jednostavnijeg kretanja glavnim gradom naše države.

S obzirom da je Premijer u medijima najavio rekonstrukciju i modernizaciju stajališta javnog prevoza, smatramo da se i ova naša inicijativa idealno uklapa u taj proces.

S poštovanjem,


Edin Forto
Klub zastupnika Naše stranke
u Skupštini Kantona Sarajevo